

增修
補註
正續歷代通鑑輯覽

元

武宗皇帝

〔戊申〕至大元年春正月以阿實克布哈爲右丞相行御史大夫事 初阿

實克布哈見帝容色日悴乘閒進曰陛下八珍之味不知御萬金之身不知愛而惟耽麴蘖好妃嬪是猶兩斧伐孤樹未有不顛仆者陛下縱不自愛獨不思祖宗付託之重天下仰望之切乎帝大悅曰非卿孰爲朕言因命進酒阿實克布哈頓首謝曰臣方欲陛下節飲而反勸之是臣之言不信于陛下也臣不敢奉詔左右皆賀帝得直臣遂授右丞相行御史大夫事尋以太子請復入中書既又賜爵康國公

兩浙饑 民饑者四十六萬戶死者甚衆詔戶月給米六斗以沒入朱清張瑄財產賑之時浙東宣慰同知托歡徹爾議行勸貸令斂富民錢百五十餘萬以二十五萬屬寧海縣

管縣今屬寧海道

簿胡長孺

字汲仲婺州永寧人

藏之長孺察其有

乾沒意悉散于民既而果索其錢長孺抱成案進曰錢在是托歡徹爾雖怒不敢問

西僧毆上都留守李璧釋不問。西番僧之在上都者強市民薪民訴于璧。

璧方詢其由僧已率其黨持白梃突入公府隔案引璧髮摔諸地捶扑交

下拽歸閉諸空室久乃得脫奔訴于朝僧竟遇赦免未幾其徒龔柯等與

諸王和爾巴拉舊作合兒八刺今改妃爭道拉妃墮車毆之語侵上事聞亦釋不問時

宣政院方奉旨言毆西僧者斷其手詈者截其舌皇太子聞之亟上言此

法昔所未有遂寢其令

三月建興聖宮爲皇太后所居

帝如上都

夏六月加宦者李邦寧大司徒兼左丞相邦寧在宋爲小黃門初從瀛國

公入見世祖留給事內庭至是帝欲以爲江浙平章辭曰臣以閹腐餘命

前朝赦而用之使承乏中涓今陛下復欲置臣宰輔臣聞宰輔者佐天子

共治天下者也奈何辱以寺人陛下縱不臣惜如天下後世何誠不敢奉

詔帝大悅加大司徒遙授左丞相仍領太醫院事

秋七月皇子和錫拉帝長子即明宗按和錫拉舊作和世疎今改後仿此請括河南田詔止之

和錫拉請

立總管府括河南歸德汝寧瀕河荒地歲收其租中書言瀕河之地出沒

無常近有伊瑪噶

舊作赤馬罕，今改。

者安稱省中委之括地以有主之田指爲荒地

所至騷動被害之民相率來愬方議其罪遇赦獲免今乃妄以其地獻于

皇子且河南連歲凶荒脫從所請爲害非細帝曰安用多言其止勿行

築呼鷹臺于鄧州

本遼鄧陰縣，元升鄧州，明改爲縣，清省，故城在今京兆通縣南，呼鷹臺在今通縣故鄧縣西南，亦名掠鷹臺。

初改鷹坊爲

仁虞院秩正二品命右丞相托克托等爲院使領其事至是築呼鷹臺鄧

州澤中發軍千五百人助其役

以塔斯布哈

舊作答不花。

爲右丞相奇塔特伯奇

舊作乞台，今並改，後仿此。

爲左丞相

詔內

外機務並從中書區處諸王公主駙馬等毋沮撓之近侍官屬及內外諸

司事非由中書議者毋隔越奏聞

九月帝還大都

冬十月以西僧置勒斡巴勒

舊作敦班，今改正。

爲翰林學士承旨

十一月省臣請汰冗官節財用

省臣言世祖時自中書以下諸司官有定

員邇者諸司遞陞一級一司多至二三十員事不改舊而官日增乞如大

德十年員數冗濫悉汰之又今中都築城大都建寺及爲諸貴近營造私

第軍民困斃廩藏空虛而用度日廣每賜一人動至鉅萬恐至不繼宜暫

節縮況百司之事每于中書有干預者乞申禁之帝曰嘗令諸人毋干中書之政他日或有乘朕忽忘持內降文記至中書者其執之以來

禁賈人乘驛時有進沈檀異木可構宮室者勅江浙行省驛致之中書省

臣言西域賈人佩虎符馳驛馬名奉勅求珍異乃或以一豹上獻亦要回賜虎符國之信器驛馬使臣所需畀之商賈誠非所宜既又言江浙諸驛半歲閒使人過者千二百有餘三布幹舊作三布瓦丁今改等進獅豹鴉鵲數日食肉千餘觔自今有來獻者乞令自備資力從之

覈天下屯田中書言天下屯田一百二十餘處由所用非人多致廢弛除

四川甘州應昌

元路地在今克什克騰西北

雲南爲地遼遠餘當選習農務者往覈其可

興者興可廢者廢詔從之

閏月太傅哈喇哈斯卒

諡忠獻

伊徹察喇進攻徹伯爾諸部漠北悉平伊徹察喇言徹伯爾諸王之在邊

境者素無悛心儻諸部合謀必爲國患請撫安都幹之子庫齊

舊作款微今改

及

處諸部來歸者于金山之陽遣軍屯田山北脫彼有謀吾已擣其腹心矣

帝稱善趣進軍攻之徹伯爾等果欲奔庫齊不納遂相率來降漠北悉平

左遷敬儼

字威卿其先河東人後徙易水

爲兩淮轉運使

時儼爲江南治書侍御史以議立

尙書省不便忤宰臣意適兩淮鹽法久滯乃左遷儼爲轉運使欲陷之儼

至黜貪理敝課復增羨至二十五萬引河南省臣來會鹽筴欲以所增羨

爲歲入常額儼以民罷已甚以羨爲額病民以爲已不可遂止

〔己酉〕二年春正月越王圖喇有罪賜死

圖喇居常快快有怨望意前秋

帝幸涼亭

元時巡幸平城南明置驛于此去古北口四百六十餘里

將御舟圖喇前止之言涉

不遜帝由是銜之及宴萬歲山

在今獨石縣外土人名鎮勒哲伊圖阿爾賓鄂拉山

圖喇醉起解腰帶擲

地瞋目謂帝曰爾與我者止此耳帝疑其有異志命省臣鞫之辭服遂誅

之

始親饗太廟

以受尊號告謝太廟爲親饗之始

是冬以上太祖睿宗尊諡廟號及光獻莊聖皇后尊諡復親饗光

獻太祖后莊聖睿宗后

追還內降璽書

丞相塔斯布哈等言朝廷璽書不由中書徑令翰林頒給

者自大德六年至今凡六千三百餘道皆干土田戶口錢穀銓選獄訟害

民妨政之事請悉追奪後凡不由中書者乞勿予之制可

帝如上都御史言京師之內工役繁興加之歲旱民饑狂愚易惑今乘輿

行幸乞命丞相一人留守京師著爲令從之

夏六月復徵僧道賦稅從省臣言也

秋八月復置尙書省以奇塔特伯奇爲右丞相托克托舊作脫爲左丞相三布

幹舊作三布瓦洛實爲平章政事保巴舊作八爲右丞蒙格特穆爾舊作木兒今並改爲左丞

王巖參知政事初帝欲復置尙書省分理財用御史臺言至元中阿哈瑪

特僧格相繼立尙書省綜理財用事敗併入中書今四方地震水災歲仍

不登百姓重困又復立之則必增置有司濫設官吏殆非益民之事且綜

理財用在人爲之若止命中書未見不可帝雖是其言而仍欲行之至是

命洛實保巴與塔斯布哈集議保巴言政事得失皆前日中書所爲今欲

舉正彼懼有累孰願行者臣請乞舊事從中書新政從尙書其尙書省官

請以奇塔特伯奇托克托爲丞相三布幹洛實爲平章保巴爲右丞王巖

爲參知政事帝並從之三布幹言尙書省旣立更新庶政變易鈔法用官

六十四員其中宿衛之士有之品秩未至者有之未歷仕者有之此皆素

習于事旣已任之乞勿拘例授以宣勅仍改各行中書省爲行尙書省以

尙書省條畫頒示天下敢有沮撓者罪之

置太子右衛率府 命右丞相托克托御史大夫布琳尼敦今改後仿此領

府事取河南蒙古軍萬人隸之王約曰左衛率府舊制有之今置右府何

爲諸公深思之不可以累儲宮也太子又命取安西兵器給宿衛士約謂

詹事旺扎勒曰詹事移文數千里取兵器人必驚疑主上聞之奈何旺扎

勒愧曰實不慮及此家令薛居言陝西分地五事命往理之約不爲署行語之曰太子潛龍也當勿用之時爲飛龍之事可乎遂止太子喜諭羣下曰事未經

王彥博識者勿啓一日約方啟事二宦官侍側太子問曰自古宦者壞人家國有諸對曰宦官善惡皆有之但恐處置失宜耳太子深然其言

九月頒行至大銀鈔 帝從洛實言鈔法大壞乃改造至大銀鈔凡十三等

每一兩準至元鈔五貫白銀一兩黃金一錢隨路立平準行用庫及常平

倉以權物價毋令沸騰元之鈔法至是凡三變云

帝還大都

始鑄錢 先是鈔法雖皆以錢爲文而廢錢弗鑄至是始詔大都立資國院

山東河東遼陽江淮湖廣四川立泉貨監六產銅之地設提舉司十九

五錢文曰至大通寶者每一文準銀鈔一釐曰大元通寶者準至大錢十

文與歷代錢通用其當五當三當二並以舊數用之既而御史言至大銀

鈔始行品目繁多民猶未悟而又兼行銅錢慮有相妨今民間拘收銅器

甚急民殊不便乞與省臣詳議不報

復行內降旨 尙書省言三宮內降之旨曩中書奏請勿行臣等謂宜仍舊行之儻于大事有害則復奏請中書之務乞以盡歸臣等從之

冬十月以皇太子兼尙書令 初帝從奇塔特伯奇等言由尙書省任人而以宣勅散官委之中書至是太子言舊制百官宣勅皆歸中書以臣爲中書令故也自今勅牒宜令尙書省給降宣命仍委中書從之

質江南富民子爲軍 洛實言江南平垂四十年其民止輸地稅餘皆無與富室有占編民奴役之者動輒百千家有多至萬家者其力可知乞令有司收糧五萬石以上者石輸二升于官仍質一子而軍之所輸之糧半入京師以養御士半留于彼以備凶年富國安民無善于此詔如其言行之十一月以阿薩爾爲尙書左丞相行中書平章政事 尋出商議遼陽行省事

〔庚戌〕至大三年春正月徵李孟入見以爲同知樞密院事 初孟旣逃去有譖于帝者曰內難初定時孟嘗勸皇太子自取帝弗之信一日太子侍內宴忽戚然改容帝曰吾弟何不樂太子從容起謝曰賴天地祖宗神靈

神哭而有歸然成今日母子兄弟之懼者李道復之功居多適思之不自知

其變于色也帝即命搜訪之得于許昌陘山在今河南新鄭縣西南亦作荆山為南北隘道山海經所云少陘之山是

也宰臣曰此皇祖妣命為朕賓師者宜速任之乃命以中書平章事集

賢大學士同知樞密院事

立皇后翁吉喇特氏托琳子弘巴爾之女托琳舊作脫憐班巴爾舊作迷不刺今並改

二月寧王庫克楚九世祖第謀反流于高麗庫克楚與圖喇子喇特納錫哩作焉

里今改謀為不軌事覺下庫克楚獄竄喇特納錫哩于漠北磔西僧德勒

克舊作鐵里今改等二十四人于市遂欲誅庫克楚平章政事特格獨辨其誣詔

釋之流于高麗

三月賜諸王徹伯爾幣帛初世祖以海都叛詔積其分地五戶絲為幣帛

俟其來降賜之至是其子徹伯爾來歸尚書省臣請以賜之帝命省臣備

述其故以與之使彼知所愧

夏五月詔尚書省右丞相托克托左丞相三布斡總治百司庶務尋加托

克托太師爵義國公三布斡爵楚國公

冬十月詔減宮人膳尚書省言宣徽院元置秩正三品掌供玉食及燕享之事廩給日增儲侍雖

廣亦不能給帝曰比見後宮飲膳與朕無異其覈實減之

十一月始以太祖配享南郊先是三布斡等言奉詔舉行郊祀典禮臣等

議欲祀北郊必先南郊今歲冬至祀天園丘尊太祖皇帝配享來歲夏至

祀地方丘尊世祖皇帝配享至是有事南郊以太祖配享上帝

殺大都留守鄭阿爾薩蘭制宜之子舊作阿兒思蘭今改後仿此阿爾薩蘭襲父職爲武衛都指

揮使尙書省構其與薩榮祖等十七人圖爲不軌置獄鞠之並棄市籍其

家中外冤之

城中都在翁郭察圖之地元時建爲中都今鐵黃等族牧廠西北故沙城是也土人名爲察罕巴勒哈遜城按翁郭察圖舊作旺光察都今改以牛車運土

各部衛士助之限以來歲四月畢集失期者罪

〔辛亥〕四年春正月帝崩壽三十一國語稱曰庫魯克皇帝庫魯克蒙古語傑出之謂元史

舊訛作曲律今譯改

皇太子罷尙書省誅托克托三布斡洛實按宰相年表洛實時爲平章政事續綱目于三年二月書以洛實爲左丞相本紀並同蓋

當時遙授之職以丞相仍領平章非左丞相也今刪其前文而附辦于此保巴旺布舊作旺流蒙格特穆爾于海南皇

太子以托克托等變亂舊章流毒百姓凡誤國者欲悉按誅之延慶使楊

多爾齊河西寧夏人舊作朵諫曰爲政而首尙殺非帝王治也太子感其言特

等奸貪害政。今中書方欲用爲各

務復歸中書

禁錮之凡中都所占民田悉還之民

按特德爾舊作鐵木迭
木兒火赤今並改後仿此
爲右丞相旺札勒李孟並平

召先朝諳知政務老臣程鵬飛董

字繼先，出于都魯別
族，世居安肅州，舊作

韓從益趙君信

十六人詣闕同議庶政不至者五

謙至首陳九事正陳八事皆

咸謂杭城舊有便河通江滸湮廢已久若疏鑿以通舟楫物價必平僚佐

或難之托都曰吾陛辭之日密旨許以便宜行事民以爲便行之可也俄有詔禁作土功托都曰敬天莫先勤民民蒙其利則災沴自弭土功何尤焉不一月河成

三月皇太子阿裕爾巴里巴特喇卽位

是爲仁宗

皇太后欲用陰陽家言令太

子卽位隆福宮御史中丞張珪言當御大明殿太子悟移仗大明殿既卽位親解所御衣及積蘇衣

元史舊作只孫與服志云一色服也按今蒙古語凡物之顏色謂之積蘇只孫蓋音譯之訛今改正

二十襲

金帶一賜之

詔百司遞陞品秩者復舊制

詔武宗時百司遞陞品秩者悉從至元舊制

既又諭省臣曰卿等哀集中統至元以來條章擇老臣明法律者斟酌重輕折中歸一頒行天下俾有司遵行之則抵罪者庶無冤抑

遣宦者李邦寧釋奠于孔子

邦寧既受命行禮方就位忽大風起殿上及

兩廡燭盡滅燭臺底鐵鐃入地尺許無不拔者邦寧悚息伏地諸執事者皆伏良久風息乃成禮邦寧因慙悔累日

初帝在東宮邦寧知三布斡等畏帝英明乘間言于武宗曰陛下富于春秋皇子漸

長父作子述古之道也未開有子而立弟者武宗不悅曰朕志已定汝自往東宮言之邦寧慚懼而退及帝卽位左右咸請誅之帝曰帝王曆數自有天命其言何足介懷加邦寧開府儀同三司

夏四月罷行至大銀鈔銅錢 詔以中統至元鈔法行之五十餘年比因尚

書省妄事變更既創至大銀鈔又鑄大元至大銅錢鈔以倍數太多輕重

失宜錢以鼓鑄弗給新舊悉用曾未再葺其弊滋甚命悉罷之時楊多爾濟曰法有便否

不當視立法之人爲廢置銅錢與楮幣相權而用古之道也何可遽廢邪言雖不用時論是之

五月遣兵擊八百媳婦 帝以八百媳婦寇邊命雲南王及右丞阿呼岱又此

一阿呼岱非成宗時左丞相之阿呼岱也討之陝西侍御史趙世延字子敬其先永固特族人居雲中北邊祖

今改諫曰蠻夷事在羈縻先朝用兵不已至亡失軍旅誅戮省臣今第

當選重臣知治體者付以重寄兵宜勿用也不聽

秋閏七月賜李孟爵秦國公 孟感帝知遇頗以國事爲己任節賜與重名

爵覈大官之濫費汰宿衛之冗員貴戚近臣惡其不便于己而心服其公

皆無間言時風俗奢靡車服僭擬上下無章孟請各爲之限制帝皆從之

初帝在懷州深見吏弊既卽位欲痛剷除之孟曰吏亦當有賢者在激厲

之而已帝曰卿儒者宜與此曹氣類不合而曲爲保護如此眞長者言也

嘗謂之曰朕在位必卿在中書賜爵秦國公圖其象命詞臣贊之每入見

稱曰道復而不名

增國子生爲三百人。帝旣命李孟領國子學至是又諭省臣曰昔世祖注意國學如布呼密等皆蒙古人而教以成材朕今親定國子生爲三百人仍增陪堂生二十人通一經者以次補伴讀著爲式旣而孟等言方今進用儒者而老成日以凋謝四方儒士成材者請擢任國學翰林祕書太常或儒學提舉等職俾學者有所激勸帝從之詔自今勿限資級果材而賢雖白身亦用之

九月還安南國王陳益稷舊賜田益稷入見言臣自世祖朝來歸妻子皆爲國人所害朝廷因遙授王爵賜漢陽田五百頃俾自贍今臣年幾七十而有司拘所授田就食無所帝謂省臣曰益稷來歸宜厚賜以懷遠人其進勳爵授田如故

冬十一月罷營繕李孟奏錢糧爲國之本今每歲支鈔六百餘萬錠又土木營繕百餘處計用數百萬錠內降旨賞賜復用三百餘萬錠北邊軍需又六七百萬錠帑藏見貯止十一餘萬安能周給浮費宜悉停罷帝納其言罷諸營繕時都水監傳旨給驛往取杭州所造龍舟省臣諫曰陛下踐昨詔天下凡非宣索毋得擅取此有乖前詔遂命止之

十二月詔停內降旨。帝初諭省臣曰：朕前戒近侍毋以文記傳旨中書。敢有犯者，徑逮其人治之。至是，省臣復言：祖宗立選法，明黜陟，以示激勸。今官未及考，或無故更代，或躡等進階，僭受國公丞相等職。諸司已裁而復置者有之。今春以來，內降旨除官千餘人，其中欺僞，豈能盡知？壞亂選法，莫此爲甚。帝曰：自今凡內降旨，一切勿行。

仁宗皇帝

〔壬子〕皇慶元年春正月，制進翰林國史院秩。帝諭省臣曰：翰林集賢儒臣，須朕自選用，毋輒擬奏。人言御史臺任重，朕謂國史院尤重。蓋御史臺是一時公論，國史院是萬世公論。于是陞翰林國史院秩從一品，尋勅選中外才學之士居之。

夏六月，勅左右勿僥倖乞加官。時朝廷封拜繁多，羣臣無功而受王公之爵者，前後相繼。于是誡左右勤職業，勿妄僥倖加官。御史中丞郝天挺言：自先帝卽位之時，大事初定，故于左右三五有功之人，爵之太高，遂使近倖之臣因而相襲。王公師保接迹于朝，比者雖令追印裁罷，曾未經歲，又復紛然，不知朝廷名器重，則升斗之祿足以鼓舞豪傑，名器濫則雖日拜

卿相而人不勸矣。又言國初設官在內須三十月在外須三周歲考其殿最以爲黜陟。比者省院臺部之臣久者一二歲少者三五月甚有旬日之間而屢遷數易者奔走往來不暇何暇宣風布化參理機務哉。乞自今惟大臣可急闕選授其餘內外大小官屬必候任滿方許超遷庶免朝除夕改啟倖長奸之弊。

冬十二月李孟罷以張珪爲平章政事。孟以請告還朝卽堅求謝事命以

平章政事承旨翰林而以樞密副使張珪代之。時帝欲以伶人曹約爾珠爲禮部尙書珪曰伶人爲宗伯何以示後世力諫止之。

舊作咬佳今改後仿此

〔癸丑〕二年春正月特們德爾罷以圖固勒舊作禿忽魯今改後仿此爲右丞相。初以平

章阿薩爾爲左丞相張閭爲平章政事。事在元年五月後二年間以強奪民田爲中丞楊多爾濟所劾罷至是特

們德爾以病去職以太府卿圖固勒代爲右丞相。

三月立皇后鴻吉哩氏。

夏六月詔以周敦頤程顥程頤張載邵雍司馬光朱熹張栻呂祖謙許衡並從祀孔子廟庭。

冬十一月初詔行科舉。初世祖時議定科舉新制未及行至是中書省臣